



Kove Salli Parikka, kirjeest Oahptii Ingá: Áppes, Min meahci máidnasat.



Sämikielâ já sämikielâlâš máttááttâs Suomâst

Máhđulâšvuodâin sämikielâ já sämikielâlii máttááttâsân asätteh vuáđumáttááttâs- já luvâttâhlaavâin, máttááttâs- já kulttuurministeriö miärádâsâin já máttááttâsvuávám vuáđustâsâin. Vyeimistorroo máhđulâšvuodah kyeskih puoh kuulmâ sämikielân: anarâš-, nuortâlâš- já tavesämikielân.

Sämikuávlv kieldâin škovlâ lii kenigâs ornid sämikielâ mättee uáppei vuáđumáttááttâs válduoosijn sämikielân. Keevâtlávt tot meerhâš vuáđumáttááttâs uáppei vuoigáđvuodâ finniđ máttááttâsâst ucemustáá pele sämikielân. Luvâttuvvâst já áámmátlii škovliittâsâst sämikielâlâš máttááttâs lii meid máhđulâš. Lasseen sämikuávlvust lii máhđulâš luuhâđ sämikielâ eenikielâ já vieres kielâ oppâamnâsin vuáđumáttááttâsâst, luvâttuvvâst já áámmátlii škovliittâsâst.

Sämikuávlv kieldâi ulguubeln lii máhđulâš finniđ sämikielâ máttááttâs, mutâ máttááttâs ornim váátá eromâš aktiivlâšvuodâ! Máttááttâs uárnejuvoo sehe aldamáttááttâsân ete virtuaallávt. Tooimâ náv't: Jis halijdah sämikielâ máttááttâs, oovdânpvevti tuu táátu jieijâš škovlâ rehtorân. Puávtáh lasseen väldid ohtâvuodâ sämitige škovlim- já oppâateriaaltoimâttâhân info@samediggi.fi, kote iššeed uáppeid, vaanhimijd já škovliittâs uárnejejeid máttááttâs ááigán finniimist.

Pajeuáppeetukosist lii máhđulâš čodâldittid sämikielâ eenikielâ teikâ vieres kielâ iskos. Sämikielâ luvâttâhkuursâid lii máhđulâš čodâldittid meid virtuaallávt. Sämikuávlv kieldâi ulguubeln luvâttuv jottei kannat čuávvud oppâfalâlduv säämi máttááttâskuávdáá virtuaalškovlâst www.sogsakk.fi já lasseen sämikielâ kuursâi ornim e-luvâttuvvâst www.elukio.fi. Luvâttâhkuursâi čodâldit-temmáhđulâšvuodâ puáhtá kojâdid meid sämikuávlv kieldâi luvâttuvâin, main láá virtuaaluáppeeh jyehi ive.

Säämi máttááttâskuávdâš uárnee jyehi ive ubâ luuhâmpaje kukkosii aldaškovliittâs anarâš-, nuortâlâš- já tavesämikielâ kielâin, www.sogsakk.fi.

Suomâ ollâopâttuvâin kuulmâst lii máhđulâš oppâđ sämikielâ:

<http://www.oulu.fi/giellagasinstituutti/>, www.ulapland.fi, <http://www.helsinki.fi/sup/>.